



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

# MOELETSI OA BASOTHO

PARARE DOMINO PLEBEM PERFECTAM



IEC e phura  
leshoetla

2


Lipalo-palo ke moea

3



# 'MUSO O BONESA METSE

www.moeletsioabasotho.co.ls



Re se re fumaneha ho marangrang

Email: newsroom@moeletsioabasotho.co.ls  
Tel: +266 28350466/ Whats app: 62600983

# MOELETSI

Lefifi e tl'o ba pale ea maobane

**K**hokelo ea motlakase metseng le met-saneng ea Basotho e se e tl'o anela bohle ho latela phatlalatsi ea Tona-Kholo. Sechaba sa Basotho se tl'o hokelloa motlakase mahala hore bonyane ka 2030 Mosotho e mong le e mong a be a e-na le motlakase lapeng ha hae. Letona la Matla letsoile letšolo ho potoloha le Lesotho lena lohle ho bona hore Basotho ba fumana motlakase.

Basotho ke sechaba se tsebang boikopanyo, etsoe letšoele le beta poho. Bohle ba neng ba lefelle-tse motlakase ba tl'o buseletsoa chelete ea bona ea peheletso. Litaba tsena li monate, li'a khotatsa, re bona moetapele ea ratang sechaba sa habo le ho tsotella naha ea habo ka ho phethahatsa tse ling tsa litšepiso.

Motlakase, metsi le bohleki ke li'a thoteng li bapile, ke hore feela sechaba se khobe matšoafo hobane joale leseli ke leo, 'me tse ngata li tla phethahala, le bophelo ba sechaba bo tla fetoha bo ntlafale. Morao tjena motlakase e se e le karolo ea bophelo, hao o le sieo bophelo bo ema tsi!

Ka lehlakoreng le leng sechaba se phelang metseng e meng e kahar'a Maseru, se ntse se hloka motlakase le metsi hoo se khang metsi liqhantlaneng moo ho noesoang liphoofo. 'Me sechaba se tsoile letšolo ho kopa 'muso ho nanabetsa letsoho ho batho ba kojoana li mahetleng ka ho ba etsetsa lipompo tsa sechaba joaloka nako e fetileng, sechaba se boetse se seboko ka kampani ea LEC le WASCO ka ho se tsotelle thepa ea bona le ho khaoha ha motlakase khafetsa o bile o baka tšenyho ha o khutla moo, le lithapo tse hohobang fatše li ntse li e-na le motlakase, seo se kotsi ho sechaba le liphoofo. Na se se bakoa ke tšubehlellano ea sechaba se tlang litoropong joale khokelo e'a imeloe?

Haele likhoerekhoere tsona, ke mathata feela. O ka utloa le mabitso a libaka tse ling bo-seputana, khiliki! Taba ena e re qetellong sechaba se tla hlaseloa ke mafu a fapakaneng ka lebaka feela la litšila tse tletseng hohle le kahar'a litsela.

Basali ke tau limesana, ba tšoara thipa ka bohaleng hohle moo ba leng hona teng. Re thoholetsa banka se CBL le AFI ka ho tšoarela basali manane thuto mabapi le mekhoha e meng ea lichelete bakeng sa likhoebo tsa bona tse nyenyane le tse mahareng le tse sa tsoa qala MSMEs. Basali ke batho ba mona ba ikakhelang ka sefutho le ka matla ntlheng ea ho bona hore ba phelisa malapa. Haele mona ba ntse ba chorisoa ruri ke taba eo re e ahelang lesaka.

Ke hona mona moo ba bang le phapanyetsano ea tsebo le bohloki e le hore ba fumane mekhoha e mecha le e iqapetsoeng ea ho matlafatsa kenyeletso ea lichelete bakeng sa likhoebo tsa bona. Basali ba bohlokoa haholo ho baahi empa ba ntse bana le litšitiso tse ngata, empa ha ba feloe pelo. Taba ena e se e ka ba kutloisiso ho bacha ho qala khoebo ka tsela e nepahetseng.

Mohato oo Komisi ea IEC e o nkileng o bohlokoa haholo oa ho sebetsana le lenane le hloekileng, le ho matlafatsa lefapha la likamano le sechaba ka likhetho le bosebetsi. Ho nonya maikutlo a baphatlalatsi le ho theha maqhama molemong oa kutloisiso tlhophisetsong ea likhetho, taba eo re ea e thoholetsa. IEC e se eka e kaba le lipuisano tse bulehileng le katamelo e senang tšekamelo ho litsi tsa bophatlalatsi e se khethe nku ka pere.

Re ka rata ha IEC e ka matlafatsa thuto ka likhetho, e le hore bakhethi ba be le lerato le thahasello ea ho nka karolo likhethong. 'Me taba eo e ka fihleleha feela ka ho sebelisa bophatlalatsi.

## IEC e phura

# Ieshoetla le baphatlalatsi

**Nthabeleng Seitlheko**

**M**olula-Setulo oa Komisi e Iekemetseng ea Likhetho Lesotho, o re komisi e tla sebetšana le lenane le hloekileng molemong oa likhetho tse hloekileng, ho matlafatsa lefapha la likamano le sechaba, thuto ka likhetho le bosebetsi.

Dr. Maphephe John Maphephe o buile tsena ka la 24 Hlakola monongoaha, moo komisi e neng e nonya maikutlo a baphatlalatsi le ho theha maqhama molemong oa kutloisiso tlhophisetsong ea likhetho, Komisi e ntse e kopana



isitseng likhetho le lehlo ho feta palo ea ba hlileng ba eang ho khetha. O boletse hore sena se tla rarolloa ka ho sebelisa marang-rang nakong ea ngoliso le tsamaiso ea likhetho ka kakaretso.

hore ba nke karolo likhethong ka bongata," ho rialo Dr. Monyane.

Mophatlalatsi oa koranta ea The Mail, Pulane Mabele o hlalositse hore komisi e lokela ho qoba tšekamelo ha e fana ka litaba ho litsi tsa bophatlalatsi. O re tšekamelo e ka baka hore baphatlalatsi ba lahleheloe ke tšepo ho komisi.

Ho ea ka lintlha tse hlalositsoeng ke baphatlalatsi, ho bonahala kanetso ea thuto ea likhetho e ntse e qepha ho baphatlalatsi le sechaba 'me sena se baka mathata nakong ea likhetho.

Ho bohlokoa hore moea oa likhetho o bonahale ka matla ho baphatlalatsi hore sechaba se tsebe ho utloisisa le hoba le lerato la likhetho, kaha e le kanetso ea litaba tsa 'democracy' le tsoelopele ea naha.



le mafapha a fapakaneng ho matlafatsa tšebetso ea eona.

Dr. Maphephe o boetse a re maano a IEC a kenyelletsa ho ba le lipuisano tse bulehileng le katamelo e se nang tšekamelo ho litsi tsa bophatlalatsi. Sena se retsoe ho loantšha mafosisa ka tšebeliso-mmoho le MISA Lesotho.

O phaelletse ka hore komisi e ikemiselitse ho matlafatsa thuto ea likhetho, e le hore bakhethi ba be le lerato le thahasello ea ho nka karolo likhethong. A re ho bohlokoa hore ho be le thuto e ikemetseng ea likhetho likolong tse mahareng le tsa thuto e phahameng.

Ho ea ka eena sena se ka thusa bana ba Basotho ho fumana menyeta ea mesebetsi, kaha likhetho li etsahala selemo le selemo linaheng tse fapakaneng lefatšeng ka bophara.

Setho sa komisi Dr. Chelete Monyane a tlatsetsa ka hore komisi e tlameha ho fetola katamelo ea eona ho sechaba nakong ea likhetho. O re ho hlokometsoe hore lenane la ba ngol-

Notice in terms of section 37 of the Administration of Estates and Inheritance Act. No.2 of 2024;

**ESTATE LATE MOTHABI LEKHOTSO E811/2025**

Notice is hereby given in terms of Section 37 of the Administration of Estates and Inheritance Act No.2 of 2024 calling upon all heirs, legatees and creditors of the deceased to attend a meeting before the Master of the High Court in Maseru on WEDNESDAY 18TH MARCH 2026 09:00 for the purpose of:

Proposing some person/persons to be appointed by the Master as Executor dative.

Dated at MASERU on this 24TH DAY of February 2026

Master of the High Court  
Magistrate Court  
Old Prosecutors Office  
Maseru

### TSEBISO!

### TSEBISO!

Mona ke tsebiso ea hore re le litho tsa mokhatlo oa Lesotho Veterinary Medical Association, re lahlehetsoe ke tokomane ea molao oa motheo oa mokhatlo. Nomoro ea ngoliso ke 87/36.

'Me re kopa mang kapa mang ea ka tholang molao theo kapa ea ka bang le khanyetso ea taba tsena a itlalehe liatereseng tsena, nako ea libeke tse tharo ka mora phatlalatsi ena.

Ofisi ea Mongoli kakaretso	Department of Livestock Services
Government Complex	P/Bag A82
Pela Queen II ea khale	Maseru
P.O.Box 33	Lesotho
Maseru 100	

**MOLIMO A BOLOKE LESOTHO LE BASOTHO**

Contacts: +266 28350 466

62600983 WhatsApp

Email: [newsroom@moeletsiobasotho.co.ls](mailto:newsroom@moeletsiobasotho.co.ls)

Sales and Marketing: (+266) 28 350 466/ 57396597 (WhatsApp)

**MOELETSI oa BASOTHO**

EMAIL: [editor@moeletsiobasotho.co.ls](mailto:editor@moeletsiobasotho.co.ls)

[sub-editor@moeletsiobasotho.co.ls](mailto:sub-editor@moeletsiobasotho.co.ls)

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

Tšelis Thakholi

Production Desk: 'Mateele Liqa

57 665 038/ 68 216 271

58 540 853/ 63 480 404



# Lipalo-palo ke moea oa leano

## Nthabeleng Seithleko

**M**otlatsi oa Mongoli e Moholo Lefapheng la Lichelete le Moralo oa Ntšetsopele Mahlape Ramoseme o hlalositse data e le “moea oa leano.” A re ntle le lipalo-palo tse tšepahalang ho ke ke ha khoneha ho lekanya tsoelo-pele, ho supa likheo kapa ho rala mehato e sebetsang.

O buile sena ha ho ne ho hlahisoa morero oa muso oa lilemo tse tharo o bitsoang ‘Equitable Lesotho’, o reretsoeng ho fokotsa bofuma bo amang Basotho ka mahlakore a mangata ka ho matlafatsa tsamaiso ea Naha ea Lipalo-palo ka la 23 Hlakola monongoaha.

Morero ona o tšehelitsoe ke European Union (EU) ka chelete e ka bang EUR 1,800,000 (M34,123,320.00), ‘me o tla phethahatsoa ke Expertise France hammoho le INSEE (Setsi sa Lipalo-palo sa Fora) ka thuso ea litsebi tsa nako e telele tse tla sebetsa kahare ho ‘Bureau of Statistics’ (BoS) e leng mojlalefa e moholo.

Ramoseme o itse morero ona o tla netefatsa hore data ea Lesotho e nepahetse, e kenyeletsa bohle

ebile e fumaneha habonolo, e leng se tla matlafatsa puso e ntle, ho ntlafatsa phano ea litšebeliso le ho matlafatsa baahi.

O boletse hore morero ona ke mohato oa bohlokoa leetong la naha la ho matlafatsa tekatekano, kenyeletso le ntšetsopele e thehilong bopaking.

A re “Se sa lekanyetsoang se ke ke sa ntlafatsoa.” A totobatsa hore mohato ona o tla netefatsa hore liqeto tsa ‘muso li tataisoa ke bopaki eseng likhakanyo, le hore Mosotho e mong le e mong o’ a baloa ebile o eloa hloko.

O supile hore Lesotho e tobane le mathata a maholo a kenyeletsang bofuma bo hakanyetsoang ho 49%, lekhalo le leholo la tekatekano la 44.9%, keketseho ea ho hloka mesebetsi har’a bacha ho 38%, pefo ea malapeng e ntseng e tsoelapele e amang basali ba lilemo li 15 ho isa ho 49 (41%) hammoho le ho behelloa thoko ha batho ba nang le bokooa.

Leha ho le joalo, o itse ka lisebelisoa tse nepahetseng, tšebeliso-’moho le pono e hlakileng, mathata ana a ka fetoloa menyetla ea tsoelo-pele.

Moemeli oa EU Mette Sunnergren o itse ho tšehetsa tsamaiso ea lipalo-palo ho bohlokoa ho matlafatsa ponaletso, boikarabello le liqeto tse nang le tsebo linaheng. O itse data e tšepahalang ke mokokotlo oa

puso e sebetsang, kaha e thusa ba etsang maano ho rala mekhoha e lumellanang le lithoko tsa sechaba.

O itse EU e ile ea etella pele ho matlafatseng tsamaiso ea lipalo-palo lefatšeng ka bophara, e bontšang boitlamo ba bona ba ho matlafatsa bokhoni ba mekhatlo, ho netefatsa ntšetsopele e tsoarellang le ho tiisa phetoho e ntle sechabeng ka matla a ‘data’ e felletseng le e nepahetseng.

O totobalitse bohlokoa ba ho bokella ‘data’ ea boleng bo holimo, e ananelang litaba tsa bong, e buang ka

mathata ao baahi ba Lesotho ba tobaneng le ‘ona haholo-holo tabeng ea tekatekano ea bong.

“Ho bokella data e nepahetseng le e tšepahalang ho bohlokoa haholo ho tataisa liketso tsa rona le ho buella phetoho e nang le moelelo. Ho bohlokoa hape ho hatisa tšebeliso le puisano pakeng tsa mekhatlo eohle e amehang, kaha tšebeliso e matla e matlafatsa katleho ea lenaneo.” Ho boletse eena.

O ananetse le palo ea baahi le matlo e tlang, a re ke se sebelisoa sa bohlokoa

sa ho bokella ‘data’ e felletseng, naheng ka bophara, empa a totobatsa hore palo eo ha e’a lokela ho sitisa tšebetso ea lenaneo lena.

O khothalelitse bohle ho sebelisa monyetla ona ho kopanya matla a bona, ba sebelisane ‘moho ho netefatsa hore pokello ea ‘data’ e ba se sebelisoa se matla sa ho khothaletsa kenyeletso le ho kenngoa ha litaba tsa bong mananeong a ntšetsopele Lesotho. Morero oa ‘Equitable Lesotho’ o qalile ka Loetse 2025 ‘me o tla fela ka 2028.



# MOELETSI O TŠEHETSA BACHA



**Tšeliso Thakholi**

**K**ajeno re na le Ausi 'Mamokone Clementina Liphoto, e leng e mong oa bacha ba tsebahalang haholo, ke mothehi oa sekolo sa pele sa mofuta oa sona se bitsoang COGRABIG Institute. Morero oa sona o mohlolo ke ho thusa bacha ka bo mong le ka boikopanyo ho chorisa litsebo tsa bona tsa mesebetsi e fapakaneng ea matsoho. Ba boetse ba thusa batho ba sa sebetsang hantle lihlopheng tse kang tsa Grade 11 hore le bona ba tsebe ho kena likolo tsa thuto e phahameng tsa lijunifesithi tsa khetho ea bona. Sekolo sena se ngolisitsoe ka molao ka 2023.

## QALEHO

Hantle ha ke tla qala sekolo sena ke ile ka hlokomela hore hona le sekheo se seholo lipakeng tsa bana ba etsang lithuto tsa hlooho, tseo motho o tla fumana hore boholo ba bona ha ba atlehe ho sebetsa hantle joaloka bana ba bang. Ka lebaka lena o fumane hore o qetella a se a sa fihle le Grade 11. Ke ile ka fumana tataiso ka Lekala la Thuto hore nka tseba ho thusa bana ho tloha ka ba nang le lengolo la Grade 7 ho fihlelletse ba

ka tseba ho atleha hore ba ka ea likolong tse kholo tsa boemo ba junifesithi.

E leng hore sekolong sena ke na le ma-Grade 7, Grade 10 le Grade 11, 'me le ba sa pasang hantle re ea ba thusa ba qetelle ba sebelitse hantle e le hore ba tsebe ho fihlela litaba-tabelo tsa bona. Re thusa bana hore ba etse lithuto tseo ba li ratang ha feela ba tseba hore ba tla qetella a fihletse boemong ba likolo tse kholo tsa lithuto le mesebetsi ea matsoho. Re khahlametisa bana bohle ho latela lineo tseo ba nang le tsona.

## LERATO LA HO RUTA

Haesale ke le motho ea ratang ho ruta le ho fa batho seo ke se tsebang, 'me itse ha ke hlokomela hore kena le neo ea ho ruta le ho fa batho seo ke nang le sona, ke ile ka ea Sekolong sa Mahlale le Mesebetsi ea Matsoho sa Limkokwing ho ea ntlafatsa neo eo ke seng ke ntse ke ena le eona. Ka etsa lengolo la Honours Degree in Fashion and Retailing.

## LITHUTO TSEO RE FANANG KA TSONA

Re ruta le ho tataisa baithuti ba rona ka ho fapakaneng ha bona lithutong tse latelang, 'Fashion Design, Graphic design, Creative Writing, Creative advertising, Theatre and Dramatic Arts, Makeup artistry, Hair-

dressing, Dance le Music.' Re boetse re kenyelilitse le ho ruta baithuti ba rona 'mino le ho ba tataisa hore



na ha ba qetile ba ka iqalla mekhoha ea ho iphelisa ka 'mino oa bona ka tsela ea mofuta ofe. Ka 'nete re leka litsela tsohle hore baithuti ba rona ba se ke ba lula feela ha ba phethetse lithuto tsa bona, ha re rate hore ba lula ka litsebo tseo.

## HO ITŠEBETSA

Ntate ha hona ntho e

monate joaloka ho itšebetsa lefatšeng mona. 'Na ke ile ka hiroa ha 'ngoe feela bophelong ba ka, ha ke ne ke etsa Grade 10 le teng ke sebetsa fatio-fatong. Ho feta mona ha ke e-s'o hiroe ebile ha ke batle ho hiroa ho hang. Hona joale ke sebetsa le batho ba 10 ba nang le lerato la mosebetsi oa bona le boitelo bo boholo ba ho ntlafatsa bophelo ba bacha e le hore ba tle ba tsebe ho itšoarela ka matsoho.

## KHOTHALITSO HO BACHA

Kannete ke kothaletsa bacha ho etsa lithuto tseo ba li ratang hobane ke hlokometse hore Lesotho mona motho o ea sekolong hobane a batla

kothaletsa bacha hore ba be le lerato la seo ba se etsang. Batho ba bang h'a fumana hore o entse lithuto tseo a sa li rateng, eba o se a li nyahlatsa ka lehare a lula fatše. Batho bana ba ileng likolong ba tseba hantle seo ba lokelang ho se etsa, empa ntho e ba thibelang ke letsoalo. Bacha tlosang letsoalo ha le batla ho atleha bophelong.

Ka lebaka la ho ba le letsoalo bacha ba bangata bana le litalenta feela ba tšaba ho qala. Haeba u tseba ntho eo o e ratang tlosa letsoalo le teng u sebetse, 'me haeba liqhotoso li eba teng se ke oa lahla tšepo tsoela pele qetellong u tla atleha etsoe ha hona tsela e senang moepa.

## SEBAKA SEO BA FUMANEHANG HO SONA

Sekolo se fumaneha Tšenola tseleng ea pele empa re boetse rena le liofisi haufi le Sekolo se Phahameng sa Lesotho. Bacha le batho bohle ba ka rata ho tla ithuta le rona mamati a butsoe re tla le amohela ka hlomphe le ka mofuthu o moholo.

# LTDC le Standard Lesotho Bank li ntlafatsa bohahlauli

## Nthabeleng Seithleko

**K**oporasi ea Bohahlauli le Standard Bank Lesotho li eme 'moho ho bona hore li ntlafatsa bophatlalatsi e le karolo ea ho kenya letsoho kholisong ea moruo oa naha. Litaba tse na li hlahelletse 'mokeng oa bo-ralitaba oa la 24 Hlakola monongoaha.

Malichaba Koetlisi Lefapheng la Lipapatso (LTDC) o hlalositse hore ntho e kholo ea bona e le Koporasi ea Lesotho ke ho pharalatsa le ho ntšetsapele bohahlauli, leeto lena ba le qalile ka Woodemaya, ba shebile bolateli ba hae, a kopantse linaha tsohle tsa Afrika le lefatše lohle.

A re ba hloka hore ba ke ba ntše ba bang ba bacha ba ka bapatsang naha ea Lesotho, a re taba ena ha e se e etsoa ke bana ba Basotho ka litaba tsa Lesotho ho tla ba bonolo. Ba ile ba

kopa bacha bohle ba nang le thahasello ea ho kene-la litaba tse na ho romella litšoantšo pono tse tsamaeang tsa nako ea metsotso e 'meli. A re ba ile ba etsa likopo ho hlaha ho likhoebo tse fapakaneng 'me ba atlehile

ho ba le bolateli bo bongata. Manyathela Kheleli oa Banka ea Standard o hlalositse hore letšolo la 'Re bontše Lesotho', ke hore taba eo e etsahala ka ho bua kapa ho qoqa lipale tsa naha, le hore na batho

ba rata ho tsejoa ka eng, kaha e fana ka setšoantšo le sebopelo sa naha machabeng. A re ho ba bonolo hore ba matlafatse hore litaba tsa bohahlauli li atela naha ea Lesotho.

O re ho ile ha khahla



## CBL le AFI li matlafatsa basali ba khoebong

### Nthabeleng Seithleko

**B**anka e Kholo ea Lesotho (CBL), ka tšebeliso-'moho le Alliance for Financial Inclusion

(AFI), li tšoare lenaneo la matsatsi a mane la thuto le kopanetsoeng la tikoloho, mabapi le mekhoe e meng ea lichelete bakeng sa likhoebo tse nyenyane, tse mahareng le tse

sa tsoa qala (MSMEs) tse etelletsoeng pele ke basali Maseru.

Litaba tse na li hlahelletse pulong ea thupelo ena, ka la 24 Hlakola monongoaha, moo mohato ona o hokahaneng ka kotloloho le katleho ea liphelelo tsa Ntšetsopele tsa Machaba a Kopaneng (SDGs).

H'a fana ka mantsoe a kamohelo, Motlatsi oa Mookameli oa CBL, Lehlo-mela Mohapi, o re kopano ena ke ea pele ho talimano-e lifahleho e tšoarolang ke banka kamor'a likopano tse neng li tšoarola ka marang-rang nakong ea seoa sa COVID-19.

O hlalositse hore lenaneo lena le fana ka sethala sa bohlokoa sa phapanyetsano ea tsebo le bokhoni, se reretsoeng ho fumana mekhoe e mecha le e iqapetsoeng ea ho matlafatsa kenyeletso ea lichelete bakeng sa likhoebo tse etelletsoeng pele ke basali.

Mookameli e Moholo oa AFI Dr. Alfred Hannig o hlalositse kopano ena e le ea bohlokoa haholo, a bontša hore basali ba etsa karolo e kholo ea baahi, empa ba ntse ba tobana le litšitiso tse ngata ha ba leka ho fihlela litšebeliso tsa lichelete.

O hateletse hore likhoe-

bo tse nyenyane le tse mahareng tse etelletsoeng pele ke basali ke motheo oa kholo ea moruo, boqapi le tlhahiso ea mesebetsi. Leha ho le joalo, ho haelloa ke phihlollo ea lichelete e ntse e le bothata bo bohlo.

Dr. Hannig o boetse a re mathata a kang tlhokahalo ea lichelete, khaello ea matlotlo a ka beoang e le tiiso (collateral) le ho sebetsa ka mokhoa o sa ngolisoang ka molao, a hloka mehato e reriloeng hantle ea maano, tšebeliso-'moho e matla pakeng tsa ba amehang le mananeo a ho ithuta ho tsoa ho ba bang, a kang lenaneo lena la tikoloho.

Morero ona o kenya letsoho ka kotloloho pehelong ea bohlokoa ea SDGs (Tekano ea Bong), ka ho matlafatsa basali moruong le ho ntlafatsa phihlollo ea bona mehloling ea lichelete.

Ho sa le joalo, e mong oa ba thupelong ena, Neo Chele, o hlalositse hore thupelo ena e tlo ba matlafatsa hobane ba lokela ho theha likhoebo e le karolo ea ho itlhalisetsa mesebetsi. O re taba ena e matla 'me e thusa hore bacha bohle ba itsebe le ho utloisisa khoebo ka tse-la e nepahetseng.

bookameli ba banka ea habo ho phamolele litaba tse na holimo, kaha e fetela sechabeng sohle sa Basotho. Taba ea sechaba se itsebang ka nalane le ho ntlafatsa moruo ka bohahlauli ke litaba tse kholo, kaha ho kenya letsoho kholong ea naha le ho tla hoebisana le Basotho eleng hona moo khubu ea litaba tsa bona e kollang hona teng.

O re ba motlotlo e le ba banka e putsoa kaha ba ile ba ikhethela hore ba tlo tšehetsa e mong ea tla bapatsa naha Butha-Buthe. Lebaka leo ba khethileng sebaka sena ka lona ke hore kaha ea sechaba sa Basotho e tloha hona seterekeng seo, ke hona moo Menkhoaneng e fumanehang hona teng, moo nalane e supang hore Mothehi oa Baostho o tloha teng. Ke hona moo metso ea Basotho e leng hona teng. A re ke hona moo manoni le likhoro tsa bohahlauli li leng hona teng.


O itse naha ea Lesotho e tumme ka litaemane tsa boleng 'me Letšeng le Kao li Butha-Buthe. A re khopolo ea bona ke ea hore ebe bacha ba tla bua ka litaba tsa naha ea Lesotho. A re e le banka ba shebile kholo le ntlafalo ea bacha mafapheng a fapakaneng, kholo ea bohahlauli e tsamaea 'moho le toro ea bona ea ho bona hore moruo o holisoa ka mafapha ohle. A re ba amohela lefereho lena hore ba rekise naha machabeng le ho bona hore Naha ea Lesotho e tsejoa machabeng.

Mookameli Lefapheng la Limmaraka Phomolo Leb-otsa o itse ba ile ba lumellana hore bo 'maka-litaba ba naha ena, e be bona ba tlang ho etsa bonnete ba hore ba fana ka litaba tsa boleng ho bapatsang naha ea Lesotho.

Litaba tsohle li tla etsoa ka marang-rang, hobane ba hlokomela hore ba lokela ho beha pepeneneng mesebetsi eohle ea Lesotho, e le hore ho nolofalle batho ba tlo qala khoebo ba tsebe ho e etsa. Ebe litaba tse buang ka Basotho le Lesotho.

A re ho bohlokoa hore naha e qalelle ho itsebahatsa, ba tla lumellana ka hore bacha ba fuoe matla. A re ba rata ho ruta Basotho hore ha ba hloke ho hiroa empa se hlokaalang ke hore ba ba bontše Lesotho. A re mosebetsi oo ke oa bohle ba ipitsang hore ke Basotho.

Taba ena ea bohahlauli e ba tšoareletse ntlafalo litabeng tsa temo, ho tsamaea le khoeli ea bohahlauli, ho boetse ho ntlafatsa bahlahisi ba litaba tsa boea le tse ling tse ngata. Bohahlauli bo thusa ho hlola bofuma le tla.



# Ba tsoa letšolo ho enta bana

**Tšelisothakholi**

**M**okhatlo oa Machaba oa Lithuso

Baneng (UNICEF) ka tšebeliso 'mohole Mokhatlo oa Paballo-ea-Bophelo, li ile tsa tsoa letšolo ho khahlametsa Setsi sa Bophelo sa Bethany tikolohong ea Ha 'Matholoana ka la 23 Hlakola monongoaha, ho kototsa bana bohle ba saletseng morao bakeng sa ho fumana liente le lipilisi tse matlafatsang sesole sa 'mele.

Morero ona o moholo oa UNICEF le Paballo-ea-Bophelo oa ho kena ntlo le ntlo tikolohong ea Ha 'Matholoana le Metolong bakeng sa kentelo le phano ea lipilisi tsa bana, ke ho atametsa litšebeliso sechabeng kaha Setsi sa Bophelo sa Bethany se le hole le karolo e kholo ea sechaba, batsoetse ba tsamaeang sebaka se selelele ho isa bana setsing ho ea fumantšoa liente le lipilisi. Sena se tsoala hore batsoetse ba be leqe ho isa bana hore ba fumane liente tsa bona kaofela, molemong oa kholo le bophelo bo botle ba bona.

Mokhatlo oa Paballo-ea-Bophelo o eme ka maoto ho ipiletsa ka matla ho batsoetse le ho sechaba sohle ho isa bana lienteng, kaha li le bohlokoa bophelong ba bona. Ba kopa batsoali ho tšoarana ka matsoho le bona ho atlehisa letšolo lena, ka ho isa bana bohle ba qalang ho enta le ba saletseng morao ka liente tsohle tsa bona, ho ba isa libakeng tse hloailoeng kahar'a metse le metsana bakeng sa litšebeliso tsa kentelo le phano ea lipilisi tsa bana.

E mong oa batsoetse o thoholelitse UNICEF le Paballo-ea-Bophelo ka ho khahlametsa Setsi sa Bethany sa Bophelo hore litšebeliso li be haufi le



bona. A re ka linako tseling ba ba lesisitheho ho isa bana setsing ho ea fu-

mantšoa liente tsa bophelo, ka lebaka la ho tsamaea sebaka se selelele

haholo ho tloha metseng eo ba phelang eona. A khothaletsa batsoetse ho

isa bana lienteng hobane li thusa bana hore ba hole ba phetse hantle.

## SUBSCRIBE & BUY ONLINE!

Monongoaha re batla re qatsohile haholo ho tsa marang-rang. Fumana libuka tse na ho marang-rang a Akello Library

Prepare good People for The Lord

TIPS TO ACCESS

https://library.akello.co/downloads

Steps to Access our Books on Akello Online Library

1. Visit Akello Library: Go to (https://www.akellolibrary.com/) or download the app on the link provided above.
2. Sign Up/Log In: Register or log in with your account.
3. Search: Use the search bar to find 'Mazenod Book Centre' or specific book titles.
4. Select a Book: Click on the desired book to view details.
5. Borrow or Buy: Borrow free books or purchase premium ones as needed.
6. Read: Access the book online or download it for offline reading.

For issues, contact Mazenod Book Centre

WhatsApp: (+266) 57396597

FOR MORE INFORMATION

22 322 213 / 27 350 562

maserubookcentre@gmail.com / bookcentre@mazenodprinting.co.ls

# 'Muso o bonesa metse

## Nthabeleng Seitlheko

Le kala la Matla le khatse morero oa phepele ea motlakase le ho hlahisa mokonteraka ea tla phethahatsa mosebetsi oo metseng ea lebatooa la Kolonyama, Leribe, ka 23 Hlakola monongoaha.

Letona la Matla Mohlomphehi Mohlomi Moleko, o hlalositse hore ke metse e mene e tla hokeloa motlakase, e leng Pobeng, Ha Mpapa, Ha Mashape le Ha Seetsa. O itse ke chelete e ka bang M17.1Millione e beheletsoeng ka thoko ho phethahatsa morero ona.

Letona le ile la ipiletsa ho sechaba sa Pobeng hore se sebelisane hantle le mokonteraka, haholo-holo litabeng tsa khiro le litsiane.

"Mekonteraka e tle e hire batho ba Kolonyama, eseng ba mabatooa a mang. Litaba tsa litsiane le tsona li potlake, e le hore ba tsebe ho lefa basebetsi ka nako," ho rialo Monghali Moleko.

Ho sa le joalo, Mongoli e Moholo oa Lekala la Matla, Tankiso Phapano, o

hlalositse hore matlo a 560 a tla hokeloa motlakase metseng ena. O boetse a re Tona-Kholo ea Lesotho o se a phatlalalitse hore khokelo ea motlakase ke mahala. Ka hona batho bohle ba neng ba lefile chelete ea boikopanyo ba tla khutlisetsoa chelete e joalo, 'muso o tla jara litšenyehelo tsohle.

Phapano o phaelletse ka hore motseng oa Ha Napo, malapa a 215 a tla hokeloa motlakase, 'me mokonteraka o tla sebetsa libeke tse 26 ho tloha ka la 23 Hlakola ho isa la 31 Phato 2026. Mokonteraka ea tla sebetsa Ha Napo ke kamphani ea The Village Construction.

Lebitsong la baikopanyo ba Ha Napo, 'Manthabiseng Sekoala o boletse hore ba motlotlo haholo ka khokelo ena, kaha ba qalile boikopanyo ho tloha ka 1999 empa ba sa ka ba fumana motlakase.

"Esale re utloa ho thoe Letona la Matla le tla tla. Re ne re se re qaleletse ho penya maboteng, re e-na le tšepo e tiileng ea hore re tla bona motlakase. Kajeno rea bona

hore taba-tabelo ea rona ea lilemo-lemo e'a phethahala." A rialo ka thabo e hlolang.

Ea buileng lebitsong la Lekhotla la Puso ea Libaka la Manka, Tumelo Motšie o thoholelitse letona ka mosebetsi o motle. O bontšitse hore ha motlakase o le teng le phepele ea metsi e tla ba bonolo.

"Motlakase, metsi le bohloeki li tsamaea hammoho. Re boetse re kopa metsi le matloana, kaha ho ntse ho e-na le batho ba eang matlapeng ha ba itokolla." A rialo.

Mokhethoa oa Peka, Mohopoli Monokoane, o boletse hore khale a ntse a kokota ho kopela metse ea habo motlakase. O itse o ile a tšepisa sechaba hore selemo sa 2028 se ke ke sa fihla motlakase o sa fihla, 'me joale tšepiso eo e se e phethahala. Leha ho le joalo, o re ho ntse ho hlokahala litsela le metsi.

Ka lehlakoreng le leng, Mokhethoa oa Kolonyama, Mahlathene Lempe, o hlalositse hore khokelo ena

e tla ba mahala, 'me mang kapa mang ea neng a lefile chelete ea boikopanyo o tla khutlisetsoa chelete ea hae.

O lebohile sechaba sa habo, kaha ba qetile lilemo tse ka bang 19 ba lelekisana le khokelo ea motlakase. O bontšitse hore ho ntse ho e-na le metse e ka bang 20 e-s'o kang e khantšetsoa, empa ba ntse ba sebetsa ka thata ho netefatsa hore le eona e tla hokeloa.

Lebitsong la baikopanyo

ba motlakase Pobeng, Lebhang Masolisa o itse ba thehile boikopanyo ka 2009, empa ho fihlela joale motse o ntse o phela leffing.

"Tšabo ea ka ke hore e se ke ea e-ba ho thakholoa feela, kaha ha se lekhetlo la pele re bona morero o kang ona empa le kajeno ha re e-s'o bonesetsoe." Ke eena eo.

Leha ho le joalo, baahi ba Pobeng le metse e hau-fi ba bontša tšepo ea hore lekhetlong lena morero o tla phethahala ka botlalo, 'me bophelo ba bona bo tla ntlafala ka lebaka la motlakase.



# Sechaba se lla ka tšebetso empe

## Tšeliso Thakholi

Sechaba se ipilelitsa ho 'Muso oa Lesotho ho nana betsa letsoho ho ba kojoana li mahetleng ka hoba etsetsa lipompo tsa sechaba joaloka nakong e fetileng. Boipiletso bona ba bo entse pitsong e neng e epiloe ke Mokhethoa oa Lebatooa la Qoaling N0.37, ebile e le Letona la Matla Mohlomphehi Mohlomi Moleko, motseng oa Ha Thamae, Maseru, ka la 22 Hlokola monongoaha, moo a neng a memme sechaba ho ea teka liqholotso tsa sona ka pel'a Lefapha la Metsi le la Motlakase.

Sena se tla kamor'a hore sechaba sa Ha Thamae se hloke metsi libeke tse peli, ho khaoha khafetsa ha motlakase, le ho phuphutha ha lithapo tsa motlakase tse ntseng li tšetse mollo o ka bakang kotsi bophelong ba sechaba le liphoofole. Kaholimo ho tsohle sechaba sa Ha Thamae se ne se boetse se lla ka 'transformer' e kholo e jereng motlakase eo ba reng e tsofetse haholo, 'me e lula e tloa mollo ka linako tsohle. Ba boetse ba lla ka lithapo tsa motlakase tse fentang kahare ho lifate tseo e reng ha moea o foka eba li

etsa litlhase tse ka bakang kotsi.

Sechaba se boetse se lla ka besebeletsi bo bosula bo fanoang ke mafapha ana a mabeli, nakong eo ba ileng litšebelsetsoeng le ho ea tlaleha maemo ana a hlobaetsang ao ba phelang kahar'a ho ona. Ba re ke taba e soabisang haholo hore ebe sechaba se ntse se e kha metsi liqhanthaneng le li libeng kahar'a motse o moho o bileng o leng kahare ho toropo e kholo ea Maseru.

Ba tiisa hore ba mathile ba bile ba khathetse ho ea bat-

la thuso liofising tsa WASCO le LEC, hoo ba seng ba bile ba hloka tšepo ho bona. Ba re likhoerekhoere tsa metsi a litšila li tletse hohle kahare ho motse oa bona, ka lebaka la ho se tsothelle ha Lefapha la WASCO la likhoerekhoere, 'me tšabo e kholo ke hore ho tloha ho qhoma mafu a fapakaneng ka lebaka la maemo ana a hlobaetsang ao sechaba se sesang kahar'a ona a litšila.

Letona la Matla Mohlomphehi Mohlomi Moleko o hlalositse hore boitlamo ba bona e le ma-

tona a 'muso oa Motlotlehi ke hore ba tla fana ka besebeletsi bo ntlafetseng, ba maemo a holimo molomong oa bophelo bo botle ba sechaba. O supile hore maemo ana ao sechaba se a tekileng kapele ho eena le ho mafapha a amehang a lokela ho fetoha hang-hang. Ka hona a laela WASCO le LEC hona pitsong moo hore hang bekeng ea Mantaha ba be ba arabetse lithoko tsohle tseo sechaba sa Ha Thamae se llang ka tsona.

"Ha se ntho e nthabisang hore ebe 'na nka pota Lesotho lena kaofela ke fepele sechaba ka metsi, empa sechaba se boliseng ba ka se sena metsi. WASCO le LEC hang ka ho panya ha ntšhi ke batla le be le arabetse selo sena sa sechaba sa lebatooa la haeso." O boletse joalo a bile a phethela ka ho ipiletsa ho sechaba hore moo ehang se etselitsoe lintlafatso se lokela hore se li baballe, kaha ho hlokomelehile hore libakeng tse ngata tsa Maseru ho na le tšenyeno e kholo ea ho utsoa lithapo tsa motlakase le lihlooa tsa lipompo.

Raliphatlalatso oa WASCO, Monghali Bahlakoana Lehasa o itse morero oa bona ha se ho sotla sechaba ka besebeletsi bo bobe, empa ke ho ba fa litšebelsetso tse tsoileng matsoho. A

kopa sechaba hore ha ba ile liofising tsa WASCO ba il'o kopa litšebelsetso ha ba kopana le liqholotso tsa ho se fumane besebeletsi bo botle ba atamele ofising ea habo ba tla fumana thuso.

A re kampani ea habo e se e rekile litanka tse tharo tse tlang ho arabela tlhoko ea metsi ha nakoana motseng oa Ha Thamae, 'me ba tla tataisoa ke sechaba hore ba li behe ho kae moo li tlang ho bolokeha hantle. "Metsi ana ao re tliil'o fana ka ona ke mahala ha hona tefiso ea letho." Ke eena eo.


Ka mokhoa o tšoanang, ea ikarabellang Lefapheng la Taolo le Tlhokomelo ea Marang-rang a Phepele ea Motlakase, Monghali Rorisang Tšotetsi o itse morero o moholo oa bona ke ho fana ka besebeletsi bo botle ho sechaba, empa a kopa tšoarelo moo e bang ba ntse ba hata sechaba litorong. Etsoe matsoho ho lutla a sebetsang.

A tšepisa hore ba tliil'o sebetsana le lillo tsohle tsa sechaba, 'me a se kopa tšebelisano 'moho e mofuthu. A kopa sechaba ho tšoarana ka matsoho ho loantša tšenyeno e etsoang ke ba bang lithapong tsa motlakase, kaha e le e 'ngoe ea sesosa se bakang phano e bosula ea litšebelsetso tsa motlakase.





# MOB Kidds Edutainment



## Across

- 4 O monate feela oa hlaba (8)  
 5 Masimo a mothating (6)  
 6 Mohlankana ea lulang ka lehaheng (6)  
 8 Ha u le moroa tjee, metsi a monate tjee u a nka kae? (6)  
 9 Majoana mabeli mabetsa hole (5)  
 11 Nthethe a bina moholo a lutse (6)  
 13 Monna eo e reng h'a khotše a roalle (4)  
 14 Se-monate se maribeng (6)  
 15 Sefelekoane tiea pelo o kene koetseng (9)

## Down

- 1 Lephutse la mohlaka o moholo (6)  
 2 Setsubelo sa nkono se tletse bolalu (4)  
 3 'Mamonyamane motsoa lehlakeng (5)  
 7 Mala a nku marang-rang (6)  
 8 Lithunthung tsa tlapa le leholo (8)  
 9 Nonyana tse hlano tse tšumu kenang mokoting (7)  
 10 Tšoeli moraheng (6)  
 12 Phutse la har'a thota (6)



**LI SE NTSE LI FUMANEHA MABENKELENG A RONA**

**LIBUKA TSA SESOTHO**


- MOSALI A NKHOLA = **M195.00**
- THOLOANA TSA SETHEPU = **M130.00**
- BOCHABA BA BASOTHO = **M203.50**

**ENGLISH BOOKS**

- CRY BELOVED COUNTRY = **M343.50**
- LGCSE Directed Writing Manual = **M231.50**
- Situational Composition = **M222.00**
- UNDERSTANDING AND COMMUNICATION 4 = **M260.00**

U ka re letsetsa ho fumana moo lishopo tsa rona li leng hona teng seterekeng sa hau.

**BACK TO SCHOOL**



**M108.50**



**M100.00**



**M96.00**



**M155.00**



**M195.00**



**A5 M156.00**  
**A4: M75.00**

27 350 562 / 57396597 / [bookcentre@mazenodprinting.co.ls](mailto:bookcentre@mazenodprinting.co.ls)





# TSA KEREKE

## Batiiseletsuo a b'a ikhutsa

### Tšeliso Thakholi

**B**ana ba Parish ea Maria Mofumahali oa Lefaatše ba seng ba amohe tse Sakramente ea Tiiso, ba ile ba tšoareloa boikhutso ba letsatsi le leng, tlas'a tataiso ea barupeli ba bona, hona Parishing, Mazenod, ka la 21 Hlakola monongoaha.

H'a simolla boikhutso bona e mong oa barupeli Monghali Mohale Rangonana o qalile pele ka hopotsa batiiseletsuo hore na Sakramente keng, li kae le hore na li arotsoe ka lihlopha tse kae. A re Lisakramente li tharo ea pele ke Mathomo, ea bobeli ke Pholiso, ea boraro ke Thomo, 'me mefuta ea Lisakramente tse oelang ho ea pele ea Mothomo ke Tlhatsuo, Kamohele le Tiiso. Athe tse oelang ho ea bobeli e leng Pholiso ke Pako le Poelano. Haele tse oelang ho ea Thomo ele Lenyalo le Boprsta.

Lithutong tsa hae Monghali Peter Tsoamotse o boletse hore Sakramente ea Tiiso ke eona e fanang

fana ka matla a Moea o Halalelang hore e be lipaki tsa Jesu Kriste. Ka hona bohle ba tiiselelitsong ba lokela ho ba lipaki.

A re ha ba se ba fumanane Sakramente ea Tiiso ba lokela ho phela joaloka bakriste ba phethang litšoanelo tsa bona tse kang tsa ho ntša Kabelo, e leng chelete e sebelisoang ho thusa bahloki, ho reka lisebelisoa tsa kereke le ho thusa moprista le bohle bao a sebetsang le bona. A re e 'ngoe ea litšoanelo tsa mantlha ke ho kena kereke le ho fihla ka nako, kaha bohle ba amohetseng Sakramente ea Tiiso ba e-na le bongata ba lineo tsa Moea o Halalelang, 'me litalenta tsa bona li lokela hore li bonahale.

Thutong ea hae e hlahlamang, Tsoamotse o ile a hlahlella batiiseletsuo ka mefuta ea litokomane tsa Kereke, moo a bontšitsng hore e kholo ka ho fetisisa har'a tsona ke Bible e leng Lentsoe la Morena Molimo le ngotsoeng ke motho ka tšusumetso ea Moea o Halalelang. "Bibele ke to-

molao oa Kereke ka 1983.

Har'a lithuto tse ling tseo a ileng a fana ka tsona, likenyeletsa Alemanaka ea Kereke a ba a khothaletsa batiiseletsuo ho e tsebe hantle, e tle e ba fetole, hobane ba tlese Lineo tsa Moea o Halalelang. A boela a fana ka thuto mabapi le melao e leshome ea Morena Molimo, har'a eona o ile a qolla o hlangeng lengolong la Exoda 20:13 o reng "o se ke oa bolaea" le ho Genese 1:26-27 e reng; "Molimo a bopa motho ka setšoano le Molimo, e motona le e motšehali."

Ka melao ena a hlokomelisa batiiseletsuo hore bana ba seng ba amohe tse Sakramente ea Tiiso ha ba tšoanele ho bolaea ba bang, hobane bohle re bopiloee ka setšoano le Morena Molimo. A qetella ka ho ba hlokomelisa ka thata hore ha ba lokele ho soma kapa ho nyefola bana ba bang ka 'mele ea bona hobane ha b'a ipopa, empa ba tlameha hore ba ratane ba be ba thusana e leng karolo e 'ngoe ea lisakramente.

Kamorao ho moo batiise-



bongata ba lineo tsa Moea o Halalelang. Ka hona bohle ba fumaneng Sakramente ea Tiiso, ke bopaki ba hore ba na le bongata ba Moea o Halalelang, e leng hore ba na litalenta tse ngata tsa tšebetso. A re Tiiso e

komane ea pele ea Kereke, 'me re tlameha hore re tsebe Lentsoe la Molimo." O boletse joalo a bile a eketsa ka hore Kereke ena le litokomane tse ngata tse kang ea Vatican II e ileng ea tsoala tse 16 tse ileng tsa etsoa

letsuo ba ile ba aroloa lihlopha ho araba lipotso tse kang tsa hore ba fane ka makhabane a moprista, a moitlami le a lelapa e leng ntate le 'm'e. Batiiseletsuo ba ile ba araba lipotso tse na ka bokhabane bo boholo.

## 2025-2026 SELEMO A

### SONTAHA SA 2 SA KARISIMA



**Genese 12:1-4**  
**Pesalema 32**  
**2 Timothi 1:8-10**  
**Matheus 17:1-9**



### Khothatso

### Molimo o'a re bitsa

**B**atho bohle bao re utlileng litaba tsa bona lithutong tsa kajeno: Abrahamama, Paulosi, Timothi, Moshe, Elia, Peterosi, Jakobo le Joannes, bohle ba mamela lentsoe la Molimo. Bohle b'a rapela 'me thapelong ea bona, e mong le e mong o utloa pitso ea Molimo. O bontša thato ea hae le tsela eo Molimo a ratang hore a tsamaee ka eona.

Karisima ke nako e khethehileng ea ho mamela Molimo le ho mamela Kriste thapelong e etsoang ka boinotši, ea boinahano bo tebileng.

Abrahamama o n'a le lilemo li mashome a supileng a metso e mehlano, h'a utloa lentsoe la Molimo. A tlhoa naheng ea habo ho ea naheng e 'ngoe eo a neng a sa ea tsebe. A etsa joalo ka baka la pitso ea Molimo le pallo ea hae. Lentsoe la Molimo le ile la fetola bophelo bohle ba Abrahamama. O qalile ho etsa lintho tse kholo, tseo a neng a sa hopole hore a ka li etsa, empa a li etsa ka baka la hobane a n'a mamela Molimo 'me a lumela ho tsamaisoa ke eena.

Evangeling, re bona Moshe le Elia. Bophelong ba bona batho bana ba babeli ba etsa mehlolo le limakatso ka matla a Molimo eo ba neng ba mo mamela ka mehla. Moshe o ile a pholosa sechaba sa Bajodi bokhobeng ba Faro. Elia a ba moprofeta e moholo le monchafatsi oa sechaba.

Bibele e re botša hantle hore tseo ba neng ba li etsa, ba ne ba li etsa ka taelo ea Molimo le ka matla a hae. Ba ne ba ilhahisa khafetsa ke pele ho sefahleho sa Molimo, ba bua le eena, 'me ba mo mamela.

Ntho e re makatsang ke hore batho bana kaofela ba ne ba tloaetse ho teana le Molimo thabeng, thabeng tse telele, hole le marata a batho, moo batho ba bang ba leng sieo ho hang. Jesu ka sebele o etsa ntho e tšoanang kajeno. O nka Peterosi, Jokobo le Joannes 'me o ba isa "ka thoko, thabeng e phahameng." Le rona re utloisise hore moo re ka teanang le Molimo teng ka nako ea Karisima ke thabeng, ke hore hole le likhathatso le lerata la motse, boinotšing ba thapelo. Re tloaetse ho rapela hammoho ka kerekeng, ka sondaha, ka ho bina le ka ho tlotlisa Molimo ka lifela tse monate. Ke hantle haholo, hobane Jesu o itse: "ha le phuthehile le le babeli kapa le le bararo, le rapela hammoho, le tsebe hore ke teng har'a lona." Empa hona le thapelo e 'ngoe, e monate le eona, e lokelang nako ea Karisima: ke thapelo e etsoang ka boinotši.

Ke kena kereke har'a beke, motšere, ha batho ba bang ba le sieo, lifela le lithapelo tse etsoang ka molomo le tsona li le sieo. Ke tlhela buka ea ka ea lithapelo, ea lifela le eona rosary, 'me ke rapela thapelo e ncha. Ke thola fela, ke ipeha pel'a Morena Molimo 'me ke mamela lentsoe la hae. Ha se 'na ea buang, ke khutsitse feela, ke mametse. Ke eona thapelo e tebileng ea pelo e khothaletsoang ka nako ea Karisima. Nka e etsa ke le ka tlung ha ka, motšere kapa bosiu, ke koetse monyako, ke lutse ke le mong 'me ke mametse Molimo.

Karisima ke nako ea thapelo ea boinahano bo tebileng e etsoang boinotši, thapelo ea ho mamela Molimo, e seng hakaakang ho bua le eena. Bakriste ba 'nete, ba inehetseng ho sala Kriste morao le ho etsa thato ea hae kamehla, ba tloaetse ho rapela joalo liketsaholong tsohle tsa bophelo ba bona. Ba bang ba hlola metsotso e seng mekae ka tsatsi le leng le le leng, ba qala ka ho bala litemana tse ling tsa Bible, ba n'o inahana ka seo ba se balileng, 'me ba mamela Molimo, ba emela leseli la hae le litaelo tsa hae. Ba bang ba ikopanya le ba bang ka tlung ea thapelo, 'me hammoho ba mamela seo Molimo a ba bolellang sona.

Mokriste ea rapelang joalo ka nako ea Karisima o etsa Karisima e ntle, hobane ke Molimo ka sebele ea mo bontšang liketso tsa boitelo tseo a lokelang ho li etsa letsatsi le letsatsi, le libe tseo a lokelang ho li phema. Ea tloaetseng ho bua le Molimo joalo le ho mamela thato ea hae thapelong, o etsa ntho e kholo, hobane o tsamaisoa ke Molimo ka sebele. Leha a ka kheloha tsela, hobane kapele-pele Molimo o mo bontša phoso ea hae 'me o mo fa monyetla oa ho khutlela ho eena ka soabo.

Seo re se fumanang thapelong ea mofuta ona, hangata ha se seo re neng re se hopotse, kapa re se kopile, empa ke sa bohlokoa ho feta, hobane ke mpho ea Molimo, ke thato ea hae e seng ea rona.

Ho feta moo, seo re tla se fuma thapelong ena e khethehileng e etsoang ka boinotši, ha se na ho re thusa re le bang, empa se tla thusa le ba bang bao re phelang le bona, hobane Molimo o tla re bolella seo re lokelang ho se etsa ho thusa ba bang, joaloka ha Moshe a ile a pholosa sechaba e seng ka matla a hae, empa ka ho phetha litaelo tsa Morena ka Botšepihi.

## Bahalaleli har'a Beke

- 2 Tlhakubele Fergna
- 3 Tlhakubele Sacer
- 4 Tlhakubele Adrian
- 5 Tlhakubele Olivia
- 6 Tlhakubele Conon
- 7 Tlhakubele Ardo

# Beach VolleyBall e bontša boiphihlelo

## Tšeliso Thakholi

**N**aha ea Lesotho e bapetse ka makhethe le boqhetseke bo boholo litlholisanong tsa mokhahlelo oa pele oa CAVB Zone VI Beach Volleyball tse neng li tšoaretsoe Windhoek, Namibia, ho tloha ka la 21 ho isa la 22 Hlakola monongoaha, moo likhalala tsa Lesotho; Neo Chapole le Moroese Tolofi ba behileng naha 'mapeng lekhetlo la pele ka ho ikhapela mohope ona.

Litlholisano tsena tse neng li tšehelitsoe ke Mokhatlo oa Afrika oa Papali ea Volleyball, ke tsa mokhahlelo oa pele, 'me ka ho ikhapela tlhoho, Naha ea Lesotho e se e ntlafalitse maemo a eona Tikolohong ea Afrika ka ho



ba boemong ba bone har'a linaha tse 145 tse bapalang papali ena, ka lintlha-kholo tse 912 tse bokeletsoeng ke Neo Chapole le Moroese Tolofi. Athe boemong ba pele ke Vanessa le Mucheza ba Naha ea Mozambique ka lintlha-kholo tse 2020, bobeling ke Mahassine le Dina ba Marituis ka 1240. Ha borarong e le Angela le Vania ba Mozambique hape, ka lintlha-kholo tse 1032.

Naha ea Lesotho e ne emetsoe ke libapali tse 6. Ke mona moo ho neng ho il'o bapaloa ka ho pana batho ba babeli. Ke hona mokhahlelong ona moo Lesotho le hlileng la ipabola kaha le ile la atleha ho fihla ho lipapali tsa seka-makhaloakhang, moo le ileng la hlola Naha ea Namibia ka 2-0 papaling eo ho neng ho bapala Moleboheng Mofolo le Itumeleng Mareka khahlanong le Anne le Wines.

Papaling e 'ngoe Afrika Boroa ea hlola Lesotho ka 2-1 moo ho neng ho bapala Palesa Mapota le Relebohile Ndaga khahlanong le Wietersshelm le Bohom. Tolofi le Chapole ba halala Beene le Matildah ba Zambia ho makhaola-khang, ka ho ba teteka ntle ho qenehelo ka 2-0. Litlholisano tsena e ne e le tsa maemo a holimo haholo kaha li matlafalitse Lesotho maemong a linaheng tsa Afrika.

Barati le batšehetsi ba papali ea Beach Volleyball bao esaleng ba bohile lipapali tsena ho marang-rang ho tloha li qalile, ba bontšitse ba nyakaletse haholo ho latela tsela eo libapali tsa Lesotho li bapatseng ka eona. Ba supa hore litlholisano tsena li ne li le matla haholo le ho latela boiphihlelo ba linaha tse ling tseo ba neng ba bapala le tsona.

Ba re tlhoho ena e tli'o boela e fa bakoetlisi monyetla oa ho tla matlafatsa boithopho ba Lesotho litlholisanong tsa machaba tsa papali ea Beach Volleyball. Ba boetse ba khothaletsa bakoetlisi hore ba se phomole, ba tsoelepele hore libapali li 'ne li fumane lipapali tsa machaba tsa setsoalle, e le ho thusa libapali hore li lule li le matla ka linako tsohle.

Ba tiisa hore libapali tsa Beach Volleyball li bapala papali e tsoileng matsoho, empa li hloka tšehetso ea lichetele ho lula li ntse li fumana lipapali tsa machaba tsa setsoalle. Ba kopa bahoebi le batho bohle ba boithatelo bo botle ho etsa letsoho la monna molemong oa ho ntlatsafa talenta ea bana ba Basotho.

# Likuena e pannoe le Seychelles

## Tšeliso Thakholi

**S**ehlopha sa Naha sa Bolo ea Mao-tso sa Likuena se boitokisetsong bo matla ba ho phunyeletsa mokhahlelo oa pele lipapaling tsa AFCON 2027, Likuena e tla qala noha mokoting lebaleng la Toyota Stadium, Afrika Boroa, ha e tla be e thulana le Naha ea Seychelles ka la 26 Tlhakubele 2026.

Likuena e itokisetse lipapali tsena tsa isao ka matla tjena nakong eo tšepo ea barati ba bangata ba bolo e neng e se e theohile haholo kamor'a hore e iphetole ntetekeng mohopeng oa COSAFA le AFCON ngoahola, le ho hlola ho finyella lipapaling tsa Mohope oa Lefatše tse tlang ho tsoareloa linaheng tsa United States, Canada le Mexico ka la 11 Phupjane ho isa la 19 Phupu 2026.

Sehlopha sa Likuena se qalile boitokisetso ba sona tlas'a bolisa ba mokoetlisi e mocha Monghali Bob Mafo-so kamor'a hore mokoetlisi oa mehleng Leslie Notši a felloe ke nako ka khoeli ea Tšitoe ngoahola. E 'ngoe ea litebello har'a thomo eo a filoeng, ke ho fihlisa sehlopha lipapaling tsa AFCON 2027.

E se e batla e le lilemo tse ngata Likuena e hlola ho bea Lesotho 'mapeng lipapaling tsa machaba, empa hajoale Basotho ba tonne leihlo ho bona hore na tlas'a bokoetlisi bo bocha e tla

sebetse joang. Le hoja ho bonahetse nakong ea ho feta hore Likuena e sa na le mosebetsi o mo ngata oa boikoetliso, oo e lokelang ho o phetha kante le kahare ho naha pele e bapala le Seychelles ka Tlhakubele, empa nako e se e lekane motinyane.

Pejana ho mokoetlisi e mocha sehlopha se ne se ntse se le matsohong a Caswell Moru eo e leng Mookameli Lefapheng la Tsamaiso ea Bolo, empa ha se a ka sa bapala leha e le papali e le 'ngoe feela ea machaba ea setsoalle. Hona ke sesupo sa hore

mokoetlisi e mocha o na le mosebetsi o mongata oo a lokelang ho o phetha, feela nako e khutšoanyane haholo pele ho papali ea bona le Sechylles.

Mokhethoa oa mathomo oa sehlopha sa naha o ne o bopiloe ka lithibathibane; Leluma Mofoka, Tankiso Chaba le Monaheng Ramalefane, ba bapalang morao e le Tšoanelo Koe-tle, Mohlomi Makhetha, Rethabile Mokokoane, Tlotliso Mapola, Fusi Matlabe le Itumeleng Falene.

Haele ba bapalang mpeng ea lebala e le Lebusetsa Mofokeng, Matsau Lehlo-

honolo, Thabo Masuoane, Kananelo Rapuleng, Tlotliso Phatsisi, Tholang Makuru le Tšepang Sefali. Athe bahlabalintlha bona e le Jane Thabantšo, Tšeliso Botsane le Katleho Makateng.

Ho sa le joalo, mokoetlisi ea hloahloa ea kileng a koetlisa sehlopha sa LCS 'Masheshena' le Majantja 'Funya fehle', Monghali Sidwell Mothea, le mokoetlisi oa mehleng oa sehlopha sa Matlama Monghali Mosito Matela ba ntse ba iketela ho ba bakoetlisi ba lihlopha tsa naha tsa Makoanyane U/20 le Bahlabani U/17 ka tatellano.



# E ema Lioli pele

**Tšeliso Thakholi**

**B**atšehetsi ba Sehlopha sa Bolo ea Maoto, Lioli 'Tse Nala', ba bontšitse hore selemong sena ha ba na tšepo e kholo ea hore Lioli e ka sireletsa Mohope oa Liki e Kholo ea Vodacom kapa hona ho finyella maemong a pele ha selemo sena sa lipapali se fihla pheletso ka Motšeanong monongoaha, ho latela ka moo e ntseng e bapala hampe ka teng haholo ha e kopane le lihlopha tseo ba reng ke tse nyane liking.

Maikutlo ana a hlaheletse kamor'a hore Lioli e bapale ka seahlolo sa 1-1 le sehlopha sa Manonyane papaling e neng e le matla lebaleng la Bambatha Sports Arena, Maseru, ka Sontaha sa la 22 Hlakola monongoaha. Batšeheli ba Lioli ba boletse hore papali ena e ne e le bohlokoa haholo, kaha ba ntse ba le letšolong la ho sireletse Mohope oa Liki, 'me tšepo e joalo e timme hang ha Manonyane e hla-

ba ntlha pele, ka leoto la Tsofeng Maletsela karolong ea bobeli ea papali.

Batšehetsi ba re papaling ena, Lioli e itšupile hore e boetse e na le likhaello tse ngata tse kenyeletsang har'a tse ling ho hlaba lintlha ka nako, "kaha ntlha eo re e hlabileng e neng e lekanya lintlha e hlabiloe ka

hlooho ke Nkoto Masoabi re se le tlas'a khatello e matla ea nako. Hoja moletsaphala a se ke a re hauhela ka ho eketsa nako, ka 'nete Manonyane e kabe e re hlotse."

Ba tsoelapele ho bontša hore bahlankana ha b'a bapala hantle kaha ba qalile papali ka monyebe o

moholo, empa ea re ha ba hlokomela hore nako e se e felile e be e le hona ba lekang ho phahamisa papali le ho hlasela ka matla. Ba re leha ho le joalo ho chophola ha Manonyane ha se bofelo ba lefatše empa ke nako e ntle joale eo ba lokelang ho ema ka maoto ba loane ea khumamela ho sireletsa mohope oa bona, leha menyetla ea bona ea ho fihla maemong a pele e

ntse e fokolisoa ke ho bapala ka ho lekana le lihlopha tseo ba reng ke tse 'nyane kahare ho liki.

Manonyane e neng e hllile e bonahala e itokiselitse papali ena hantle, e ne e sa jese mola o kamorao oa Lioli litheohelang, 'me e behile tšepo e kholo ho bahlankana ba kang Tsofeng 'Kill me soft' Maletsela le Bokang 'Bongo' Matobo moleng o kapele, le hoja boholo ba nako Matobo a ne a bapala a le mong ka pele, eba h'a tšoara bolo ba lireng ba e nka habobebe kaha ho ne ho se batho ba mo thusang. Lioli e ne e hllile e bonahala e behile tšepo ea eona ho sethiba-thibane sa eona William Huni, kaha boholo ba nako e ne e bapala bolo morao, e leke ho hlasela ka mhlakoreng empa ea hloleha ho fihlela papali e ba e fela.

Ho sa le joalo, lihlopha tse ling tsa Liki e Kholo tsona li ile tsa bapala tjena; ka Moqebelo Machoka 0-2 Matlama, Bantu 1-1 Lijabatho, LUFC 3-2 Maroala le Majantja 2-0 LDF. Athe ka Sontaha teng e bile Lioli 1-1 Manonyane, Liphakoe 0-2 LMPS, Lifofane 1-0 LCS le Linare 1-0 Members.



## E hula ka lithhako tsa morao

**Tšeliso Thakholi**

**B**oima bo bonahalang bo ntse bo hana ho ea moriting sehlopheng sa bolo ea basali sa Mehalalito e se pannoeng le lihlopha

tse ntseng li tsoelapele Naheng ea Afrika Boroa.

Papaling ena e qalileng e le eona ea pele ea lithholisanano tsa COSAFA Women's Cup ka la Laboraro la la 18 Hlakola monongoaha, ke moo mathata a Mehalalito e a ho panao mokhahlelong o boima ka ho fetisisa ho tloha e sale e bapala lithholisanano

ho bonahala hantle hore Mehalalito e feletsoe ke maqiti. Mehalalito e ne e hula ka boima hona hoo e neng e se e ntse e rapela hore moletsaphala a felise papali. Papali ka bo eona e qalile e le matla e ka Mehalalito e tla o besa o tuke, athe empa e le matla a metsotso e se mekae ebe e

po ea hore e bone liphoso tsa eona, 'me e tla kena papaling ea bobeli e itokisitse hantle hore e se hlole e etsa liphoso tse tšoanang le tsa papaling e fetileng, empa Basotho ba ileng ba bona mahlomola le masisa-pelo a maholo ha sehlopha sa bona seo ba se ratang haholo se tlontlolloa lebaleng la Seshego, Polokwane ke Malawi ka ho se rabella 8-1.

Mkandawire ba ntse ba ikutloisa monate ka ho khakhatha Mehalalito e. Le ha Mehalalito e ile ea batla e tsoha morolo ke ntlha ena ea Moalosi, empa e ne e se e phirimeletsoe tseleng, kaha nako e neng e se esetse ea hore papali e fihle pheletsong e ne e foka, hoo e neng e ke ke ea hlaba lintlha tse robeli leha e le mona mehlolo e atisa ho etsahala papaling ea bolo ea maoto.

Papali ea ho qetela ea eona ke ea la 24 Hlakola moo e bapetseng ka seahlolo sa 1-1 le bahlorisi ba eona e leng Banyana Banyana, eba lebone la tšepo leo e neng e le khantšitse le tima joaloka lebone la nkuke.

Ho fihlela hajoale Mokhahlelong oa A sehlopha sa Banyana Banyana ke sona se ka pele ka ho hapa lipapali tsa sona tsa pele, sena le lintlha-khoho tse tšeletseng ka mokotleng, se hlahlangoa ke Malawi ka ho hapa papali e le 'ngoe sa lahlehela ke e le 'ngoe se na le lintlha-khoho tse tharo.

Ha Angola eona e hlahla boemong ba boraro ka ho bapala lipapali tse peli ea hlola e le 'ngoe, e na le lintlha-khoho tse tharo. Mehalalito e ke eona mekoallo e bapetse lipapali tse tharo ena le ntlha-khoho e le 'ngoe ka mokotleng. Ka hona e tla tlama thoto e khutlele hae, ese e tla kenela lithholisanano tse na isao.



tse matla Mokhahlelong oa A. Bo ile ba hlahella pooaneng papaling ea pele e neng e bula lipapali tsa COSAFA Women's Cup ha se shapuo 3-1 ke Angola tlas'a bokoetlisi bo hloahloa ba Souza Garcia, lipapaling

tse na le ho se bapale hantle ka mehla, ka hore e be esale e tetekoa ke lihlopha tse ling haholo lithholisanong tse fapakaneng tsa machaba a ile a hla a bonahala.

Angola e ne e iketsetsa borata ka Mehalalito e, 'me

khathala tseleng.

Mathata a ile a 'na a hloa manolo holimo, papaling ea eona ea bobeli khahlanong le Malawi e bileng ka Moqebelo oa la 21 Hlakola, moo e neng e shebiloe ka leihlo le nchocho le ka tše-

Ntlha eo Mehalalito e ileng ea iphumula meokho ka eona e ile ea hlajoa ke 'Makhotso Moalosi metsotso e 71 ea karolo ea ho qetela ea papali. E le ha bo-Ireen Khumalo, Venesa Chikupira le Vitumbiko